



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1670

Quæst. 4. Qualiter voluntas possit ordinare media ad finem; siue ex intentione finis eligere media.

[urn:nbn:de:hbz:466:1-77011](#)

Disp. 36. De ordinat. mediorum in finem. Q. 4.

585

cognitio quasi possuia, ipsumque denominat cognitum: eademque entitas actionis, per quam producitur cognitio, respectu ad eamdem potentiam est vitalis, ipsamque denominat viuentem; respectu tamen ad Deum, cuius etiam est actio, nec est vitalis, nec ipsum viuentem denominat. Pariterque in alijs innumeris.

⁴² Ex his abunde colligitur, quomodo eadem entitas actus voluntaris intentio simplex possit esse respectu finis, & simul electio efficax respectu medij, adhuc, cum medium efficax est seu semicentrifuscè, seu etiam intrinsecè. Primo: quia necessitas causandi medium aut etiam finem conueniens tali entitatibz ei potest conuenire dumtaxat quartenus est electio medij, & non quatenus est intentio finis; ut respectu ad medium dumtaxat conuenit ei esse electionem, qualis non est respectu ad finem. Vnde prout est intentio finis potest non esse intrinsecè efficax; sicut sit semicentrifuscè, iuxta suppositionem primam. Secundo: quia intrinseca connexio eius cum fine, estò ei necessario competenter, vt est intentio, quod tamen est falsum, non cogeret, vt esset efficax intrinsecè iuxta suppositionem secundam. Tertio: quia non est, cur idem actus possit esse efficax respectu boni relati ad subiectum, & simplex respectu ipsius subiecti iuxta suppositionem tertiam: & non possit esse efficax respectu boni relati ad finem, & simplex respectu ipsius finis. Quartò denique: quia, cum diuersa prædicta possint eidem actui respectu ad diuersos eius terminos vniuersaliter conuenire iuxta suppositionem quartam: consequens est, vt diuersa prædicta simplicis, & efficacis possint eidem actui conuenire respectu ad finem, & medium, qui sint diuersi termini eius. Concluditur ergo, non solum esse possibilem actum voluntatis, qui idem si intentio efficax finis, & electio efficax medij; sed etiam actum, qui idem sit intentio simplex finis, & electio efficax medij.

⁴³ Porro, quæ in hac questione dicta sunt de intentione per modum desiderij finis boni, sua proportione seruata, sunt applicanda intentioni per modum fugæ finis mali. Et, quæ sunt dicta de electione per modum desiderij medij utiles ad finem bonum, pariter applicanda sunt tum electioni per modum fugæ medij impeditivæ finis boni; tum electioni per modum fugæ medij utiles ad finem malum; tum denique electioni per modum desiderij medij impeditivæ finis mali.

Q V A E S T I O . IV.

Qualiter voluntas possit ordinare media ad finem; sive ex intentione finis eligere media.

temporis mensura, in qua per ipsam vel iam est proxime causabilis, vel est causanda mediæ exequitio: sive vel intentio, vel electio in alijs temporis mensuris aut antecedentibus extiterit, aut subsequentiis sit extitura; sive secus. Talis quippe est conceptus intentionis, & electionis, de quo potissimum in hac disputatione tractamus, ut pote qui solus est communis intentioni, electionique diuina, & creatura. Nam in hoc, quod est, aut antecedere, aut subsequi dictam mensuram, valde illæ discrepant inter se: siquidem intentio, electioneque Dei à parte ante, & à parte post necessario est eterna; quod ab intentione, electione, que creatura longè est alienum.

Suppono secundò, me in hac questione ⁴⁵ imprimis agere de intentione finis boni, deque electione medij utiles ad positionem eius, ac de spectantibus ad ipsas. Nam ex dicendis circa hac breuiter inferar sub eius finem, quid de intentione finis mali, deque alijs electionibus num. 21. commemoratis dicendum sit.

Suppono tertio, me in hac questione ⁴⁶ tantum agere de intentione finis, qui ad sui positionem aliquo indiger medio distincto ab intentione ipsæ, & consequenter aliquæ etiam talis medij electione. Non verò item de intentione finis, quæ per se immediate exequariua, sive causativa est ipsius finis, quale est imperium, quo voluntas vel sibi ipsi, vel potentia sibi subdita imperat aliquam actionem immediate tali imperio subiectam, sive causabilem per ipsum. Tum quia huiuscmodi intentio nullam fert secum ordinationem mediorum in finem, de qua modo agimus. Tum quia de illa quid ad rem sit dicendum, satis saperque potest vnicuique innotescere ex dieris late de imperio voluntatis supra disp. 30. quest. 12.

Suppono quartò, tametsi possibile sit, vt ⁴⁷ intentio finis & electio medij sint idem actus, uti quest. 3. statuimus, me tamen in hac questione dumtaxat procedurum in casu, in quo actus distincti sint, & secundum oriundus a primo. Tum quia philosophia ad rem versanda expeditior est in hoc casu, quam in priore. Tum quia non pauca ex dicendis in hoc locum habent, quem tamen non habent in illo. Quibus suppositis, questionem præsentem sequentibus propositionibus resoluimus.

Propositio I.

Voluntas per simplicem, absolutam, ⁴⁸ & determinatam intentionem finis ad eligenda quævis media ad ipsum finem utilia moueri potest. Non tamen manet determinata, sive necessitata per illam ad eligendum ullum.

Prima pars huius propositionis satis est communis inter Theologos: immo multorum theologia sine illâ stare non posset, vt ex dicendis in hoc Tract. patet. Eam tamen ex parte negat Vazq. I. par. quest. 89. cap. 13. quatenus ait, cum, qui intendit finem per media à se exhibita consequendum, non posse efficaciter eligere media, nisi efficaciter intendat finem; cum vero, qui intendit finem alteri propositum, & eius libertati commissum, vt per media ab ipso exhibita obtineatur, bene posse ex intentione simplici finis moueri ad eligenda, alterique conferenda media,

E F F E R
etiam

⁴⁴ Suppositis diuisionibus finis, & medij, intentionisque, & electionis datis quest. 1. & 2. Suppono deinde, me in hac questione, sicut in tota præsente disputatione, dumtaxat agere de intentione finis prout existente in eadem temporis mensura, in qua per ipsam vel iam est proxime causabilis, vel est causanda mediæ electio; similiisque de electione medij prout existente in ea

etiam efficacia, quibus de facto talis finis obtinendus est. Vnde infert, ex intentione simplici gloria, atque etiam meritorum bene posse moueri Deum ad conferenda Prædestinatis media efficacia gratia, quibus ipsi acquisicuntur finem sibi propositum. Sed non bene. Quia, si intentione simplex finis vater mouere intendentem ad ponenda aliqua media, quae dependent ab ipso solo, quando finis consequitio dependet insuper a voluntate alterius; ut euenerit in exemplo positetur non valebit ad ponenda omnia media, quando finis consequitio dependet a sola voluntate intendentis?

49 Probo ergo dictam propositionis partem, vniuersaliter exceptam primò a posteriori. Quia in omnium sententiā Deus ex intentione operis boni confert auxilium sufficiens ad tale opus. Sed talis intentione nequit vlo modo esse efficax aut absolvare, aut conditionare, vt infra disput. 37. quæst. 5. non obscurè ostendemus. Ergo Deus ex simplici intentione finis eligit medium; talisque subinde eligendi modus possibilis est. Respondent aliqui, ex intentione simplici finis bene posse eligi medium sufficiens; non vero itidem medium efficax. Sed contra. Quia, si semel electio medij utiles ad finem ex intentione simplici finis potest procedere; potiore iure electio medij efficacis, quam sufficientis, procedere poterit: quandoquidem efficaciter præstantiori modo, quam sufficientis, est utile ad finem. Nec est, cur intentione simplex finis ad electionem medij sufficientis, & non ad electionem medij efficacis mouere possit, vt ex dicendis apparebit.

50 Secundò eadem pars probatur à priori. Quia intentione simplex per modum desiderij tendens in finem suæ naturæ inclinat, & allicit voluntatem ad eligendum medium, quod ad talis finis consequitionem necessarium videtur. Cùm enim desiderare finem sit velle, vt finis existat, non potest non hic actus inducere desiderantem ad dandam existentiam fini per electionem medij: tamen si quando simplex est, ad id non cogat, sed tantum veluti suadeat. Posita autem ista suasione, ex nullo capite repugnat, moueri voluntatem per illam ad eligenda quælibet media, quibus finis desideratus obtineri potest: cùm talia media natura suà relate ad tales fines sint amabilia. Dices, repugnantiam in eo esse, quod electio efficacis medij procedat ex intentione simplici finis. Nam, cùm electio sit amor medij propter finem intentum, non aliter videtur voluntas posse per illam in medium ferri, qnām sicutur in finem per intentionem. Ergo, quando hæc est inefficax, nequit electio efficax esse. Sed contra. Quia, vt electio sit amor medij propter finem intentum, satis est, quod sit amor medij vt utiles ad tales finem. Ut autem bonum utile ad finem ametur efficaciter, satis est, quod ametur finis simplici amore: sicuti vt bonum delectabile subiecto ametur efficaciter, satis est, quod subiectum tangatur simplici complacentia, vt ex communi dicebanus quæst. 3. num. 40.

51 Tertiò probari potest eadem propositionis pars à simili. Quia, licet intentione conditio nata finis, quantumvis sit efficac in eo genere, non cogit ad absolvare eligendum aliqua media: tamen per illam moueri potest libere intendens ad eligendum ea, quæ ad ipsius finis consequitionem utilia sunt: quia talis intentione ad tales electionem inclinat, allicit, & suadet, prout vi-

debimus proposit. 3. Ergo, licet intentione simplex, & absolute finis ad electionem absolutam, medij non cogat; poterit tamen intendentem ad illam in actu secundo mouere: quandoquidem negari non potest, eam ad illam in actu primo inclinare, & allicere. Id quod vel experientia ipsa demonstrat. Quis enim neget, desiderium simplex conservandi merces valde inclinare, projicientem illas in mare causâ cua dendi vita periculum, vt illas non proieciat, atque adeo, vt efficaciter eligat non projectionem? siquidem cum magna repugnantia eas proieciat, coactus virginitiore amore seruandi vitam.

Verum contra statutam doctrinam objicit Recentiores. Electio medij vt efficacis est electio medij vt cauântis finem. Ergo, qui vult efficaciter medium efficacem vt tale, non potest non velle efficaciter causationem finis, & consequenter finem ipsum. Ergo electio efficacis medij efficacis sine intentione efficaci finis consistere nequit. Respondeo, cùm medium efficacis aliud sit tale in actu secundo, aliud in actu primo iuxta dicta quæst. 1. num. 8. si sermo sit de electione medij efficacis in actu primo, nil praefat argumentum, utpote tantum agens de electione medij efficacis in actu secundo. Sed neque contra hanc præstat quidquam, utpote qua neque per se debet tangere finem, neque, et si tangat, efficaciter debet tangere iuxta dicta quæst. 3. proposit. 3. Adde, esto non potest medium efficacis efficaciter eligi, quin eodem actu efficaciter amaretur finis: non ob id est negandum, ex simplici, & prauia intentione ipsius finis procedere posse talem electionem, vt contendimus in præsenti.

Secundò alijs Recentiores opponunt. Si 13 ex intentione inefficaci finis procederet electio medij, talis intentione & esset inefficax; quia id supponitur; & esset efficax: quia cauânt finem media electione. Qui sunt termini repugnantes. Lewis obiectio. Respondeo, talem intentionem fore inefficacem intrinsecè, (quod loquimur intendimus): & efficacem semiextrinsecè, quæ duo bene inter se cohærent iuxta dicta quæst. 3. num. 42.

Tertiò obiicit Gonzalez 1. par. disput. 73. 4. sect. 2. à num. 14. Electio medij efficacis præ alijs, quæ talia non sunt, debet procedere in Deo ex intentione finis: alias talis electio causa, & præter intentionem accideret. Sed non potest procedere ex intentione inefficaci: quia hæc non plus ad media efficacia inclinat, quam ad inefficacia. Ergo solitum potest procedere ex efficacie: ne discrimen illud, quo medium efficaciter differt a sufficiente sit causalis, & fortuitus, & præter intentionem Dei. Mala argumentatio, iuxta quam electio itidem medij sufficientis præ efficacibus procedens ex intentione simplici causaliter esset, & præter intentionem Dei. Tamen etiam electio cuiusvis medij, præ ceteris ciuidatum generis, proueniens ab intentione efficaci. Quia neque intentione simplex inclinat plus ad media efficacia, quam ad efficacia: neque intentione efficacis ad hoc potius medium, quam ad aliud eiusdem generis, quando sunt plura. Respondeo ergo, electionem medij efficacis præ alijs, quæ vi eiusdem intentionis eligi possent, partim ab ipsa intentione procedere, & partim à libertate intendentis, quatenus intentione tantum inclinat ad eligendum unum medium ex pluribus vilibus ad finem: libertas autem intendentis determinat.

Disput. 36. De ordinat. mediorum in finem. Q. 4. 587

minat, ut sit hoc potius, quam aliud. Vnde electio medijs efficacis praet alijs, causalis non est; nec dici debet præter Dei intentionem; tametsi, ut præfert hoc medium alijs formaliter, non tam ab intentione finis, quam à Dei libertate proueniat. Quia actus proueniens à libertate, & consilio Dei non est dicendus præter eius intentionem procedere; esto non procedat ab intentione finis, ut patet in ipsa intentione, que ab alia non procedit.

Quarto obijicitur ex Fasol. i. par. quæst. 23. artic. 1. dub. 3. num. 60. Nequit esse certa conclusio, quando antecedens est tantum probabile. Ergo neque electio potest esse efficax, quando intentio inefficax est. Concesso antecedente; nego conquentiam. Quia electio medijs non indiget intentione finis, nisi, quia bonitas medijs est relata ad finem. Vnde voluntas efficaciter potest amare medium, simpliciter tantum amato fine: sicut & intellectus judicare potest obiectum relatum, apprehenso tantum simpliciter termino relationis: quia iudicium obiecti relati non indiget cognitione termini, nisi, quia veritas talis obiecti relata est ad ipsum. Ait conclusio obiecti, alias ex terminis non iudicabilis, non ideo indiget iudicio antecedentis, quia obiectum conclusionis ad antecedens relatum est; sed quia intellectus non potest determinari ad iudicandum obiectum ex terminis non iudicabilis, nisi per iudicium alterius obiecti connexi cum illo, quod antecedens appellatur: atque adeò, sicut per simplicem apprehensionem antecedentis nequit induci intellectus ad iudicandum consequens, ita neque per iudicium probable antecedentis potest induci ad iudicandum consequens cum certitudine. Adde, ex diversis naturis potentiarum, actuorumque earum, & obiectorum promanant, ut, licet intellectus per simplicem apprehensionem antecedentis non solùm determinari, sed ne inclinari quidem possit ad iudicandum consequens; voluntas tamen per simplicem intentionem finis ad electionem efficacem medijs inclinari possit, & alii.

Quarto obijicitur ex eodem Fasolo ibi num. 64. Ex eadem causa, nulla variatione facta, nequeunt varijs effectus procedere. Sed ex intentione simplici finis procedit electio medijs sufficientis, ut patet in Reprobris, quibus Deus ex simplici intentione eos saluandi confort auxilia sufficientia. Ergo ex intentione simplici finis non potest procedere electio medijs efficacis. Respondeo, ex eadem causa necessaria inueniatur a non posse varios effectus procedere: bene tamen ex eadem causa libera. Voluntas autem simul cum intentione simplici finis libera manet ad eligenda hæc media, aut illa, aut nulla, prout sibi placuerit.

Sexto obijici potest ad probandum, voluntatem ex intentione simplici finis non posse eliger medium, quod videt esse inefficax. Quia medium inefficax ut tale annexam sibi habet negationem finis. Ergo est incompatibile cum fine. Ergo non retinet potentiam ad causandum finem. Ergo non est viles, atque adeò nec amabile propter finem. Respondeo, argumentum probare, medium ut inefficax formaliter, seu reduplicative non esse amabile propter finem. Cum hoc tamen stare, quod materialiter, seu specificative sumptum amabile propter finem sit; quia ut sic potentiam habet, atque adeò

vilitatem ad causandum finem. Quam potentiam præcisam a negatione finis, atque adeò ab inefficacia, quæ ex illa desumitur, bene potest voluntas ordinare ad finem: tametsi intellectus prædictat eam cum tali negatione inefficaciæ coniungendam. Quomodo autem inaniter, & frustra non operetur eligens propter finem medium, quod, prævidet, nihil in finem influxurum, inferioris disput. 40. à quæst. 2. explicandum est. Vbi nonnullæ aliae difficultates hoc spectantes diuentur. Quod si voluntas ex intentione simplici finis potest eligere medium præsumit inefficax ad talem finem: multò melius poterit eligere medium cognitum cum præcisione ab efficacia, & inefficacia. De quo plura etiam venient dicenda loco citato.

Iam vero secunda pars propositionis ex diuis obiter circa primam, & ex se ipsa est satis nota. Siquidem intentio simplex dicitur is voluntatis tam lenis, tenuisque conatus in finem, qui ad eum exequendum, vel procurandum non determinat, seu necessitat illam; tametsi inclinet. Cum tamen intentio efficax tam fortis, vehementerque voluntatis conatus sit, ut illam non solùm inclinet, sed prorsus determinet, ac necessitat ad finem intentum exequendum, vel procurandum (quando ille non prævidetur aliunde ponendus) propter connexionem intrinsecam, quam habet cum illo iuxta definitioines imperij, desiderique tum simplicis, tum efficacis in vniuersum traditas (supra disput. 30. quæst. 12. num. 606. & disput. 34. quæst. 2. num. 18).

Porrò proposatio data vniuersaliter est vera, siue intentio simplex, de qua agit, sit finis secundum se præcise considerati, siue sit finis prout consequibilis, aut prout consequendi per aliquod medium. Quia quævis talium intentionum ex una parte sine fine intento manere potest, ut pote non connexa cum illo; ex alia vero voluntatem inclinat ad eligenda quævis media utilia ad consequendum finem, prout per ipsam intentum est. Hoc inter ipsas est discriben, quod intentio siue secundum se non facit, ut aliquod ex medijs alias ad illum vtilibus sit ad consequitionem eius necessarium; at vero intentio siue prout consequibilis, aut prout consequendi per aliquod medium determinatum facit, ut ad consequitionem sui obiecti sit necessaria talis medijs aut possibilis, aut existentia: eo quod substantia finis intenti nec potest existere prout consequibilis per tale medium, atque adeò prout connotans eius possibilitatem fine ipsa possibilitate; nec potest existere prout consequenda per tale medium, atque adeò prout connotans eius existentiam fine ipsa existentia.

Propositio 2.

Voluntas per efficacem, absolutam, & determinatam intentionem finis ad eligenda quævis media ad ipsum finem utilia moueri potest. Ad eligenda autem media, quæ præcognoscit necessaria, ut finis cum effectu obtineatur, determinata, siue necessitata manet voluntas per talem intentionem; nisi simul præcognoscit talia media aliunde extitura.

60 Prima propositionis pars probatur. Quoniam intentio efficax finis non minorem, immo maiorem vim habet ad inclinandam voluntatem, ut eligat, quidquid est utile ad existentiam finis, quam intentio simplex: siquidem intentione efficaci vehementius desideratur existentia finis, quam simplici. Sed intentio simplex finis mouere potest voluntatem ad quodvis medium eligendum, ut propositum probatum est. Ergo tantumdem potiore iure est dicendum de intentione efficaci. Itaque voluntas per eam moueri potest ad eligendum quodvis medium sive efficax, sive inefficax, sive praecium ab efficacia, & inefficacia.

61 Dices. Intentio efficax, ut pote connexa cum fine, necessariò exposcit medium efficax ad obtinendum illum, priusque utile videtur ad eius efficaciam explendam medium inefficax. Igitur ad hoc eligendum nequit voluntatem mouere. Respondeo, quod intentio efficax ob suam connexionem cum fine necessariò exposcit medium efficax ad obtinendum illum, non tollere, quominus ea sufficiunt, immo superabundanter inclinet ad eligendum quolibet medium, etiam inefficax, utile ad ipsum finem. Nam eo ipso, quod talis intentio est quoddam desiderium finis non potest non (prae)scindendo ab efficacia eius) redire bonum, amabileque voluntati, quidquid est utile ad talen finem; nec potest non eam inclinare subinde ad illud quoque desiderandum, atque adeò eligendum. Vnde, quanvis medium inefficax ad talis intentionis efficaciam de facto explendam satis non sit; nequit tamen absolute dici ad id utile; quia est utile ad obtinendum finem; & aliud non est expleri efficaciam intentionis finis, quam finem obtineri.

62 Iam secunda pars propositionis probatur. Quia cum intentio efficax, de qua in ea est sermo, secundum illius definitionem commemorata nuper intrinsecè sit connexa cum fine, & consequenter cum omni requisito ad existentiam finis, nequit non ad hoc ponendum necessitare voluntatem (uxta generalem doctrinam datam disputatam, quæst. 5. proposit. 11.), nisi id aliunde positum videatur. Tali enim in casu veluti obtunditur vis efficacis intentionis. Quæ amplius non exposcit suapte essentia pro existentia finis intenti, quam, ut existant ea, per quæ cum effectu finis est extirrus. Vnde, ijs aliunde iam existentibus, nihil exposcit. Porro intentionem finis efficacem, de qua agimus, vniuersè loquendo, necessitate intendenter ad electionem mediorum, quæ necessaria inducantur, ut finis ipsa cum efficiatur, communis est sententia Doctrorum. Quam cum S. Thomâ tradunt. Valent. 1.2. disput. 2. quæst. 8. punct. 3. Vazq. disput. 43. cap. 4. Soar. disput. 8. sect. 4. Salas tract. 3. disput. 1. sect. 5. & apud eos alij. Recognoscantur dicta in simili de imperio efficaci dicta disput. 30. quæst. 12. proposit. 1.

63 Ex his infertur primo, per intentionem absolutam, determinatam, & efficacem finis necessariò determinari voluntatem ad electionem aliquius mediij efficacis respectu talis finis, si id aliunde futurum non prævidet independenter à tali intentione: quia sine aliquo medio efficacij finis obtineri non potest. Vnde electio mediij inefficacis, aut præcidentis ab efficacia, & inefficacia satis non est. Quia cum prima sola frustraretur intentio efficacij finis; cum secunda autem exponeretur frustratione. Quod prorius rediugiat saltem in Deo. Poterit tamen voluntas

pro arbitrio suo moueri per dictam intentionem ad eligendum simul cum medio efficaci requisito ad existentiam finis quodvis aliud non requiritum, sive illud sit efficax, sive inefficax, sive præcindens ab efficacia, & inefficacia. Quia ad quodvis utile inclinat talis intentio; eti ad requisitum tantum, alijs non futurum, necessiter.

Secundò infertur, posse voluntatem amare efficaciter finem, quin inde cogatur ad amandum aliquod medium; eo quod omnia requiri ad existentiam finis aliunde extitura præcognoscit vel absolute, vel sub conditione, quod existat amor efficacij finis, vel altera iuxta doctrinam vniuersalem traditam disput. 34. quæst. 11. à n. 150. de scientia, qua voluntas diuina, atque adeò etiam creata, duci potest ad amandum, vel ponendum quidpiam connexum intrinsecè, auctoritate extrinsecè cum alio quopiam. Doctrina quippe tradita ibi apprimè facit ad hoc propositum; ad illudque sepe applicanda veniet, prout in cursu huius, sequentisque tractatus patebit.

Tertiò infertur, quando voluntati intendenti finem intentione, de qua tractamus, plura occurruunt media efficacia, per quorum quodlibet leorsim à reliquis potest obtinere finem internum, ita eam necessitari per talen intentionem ad eligendum eorum aliquod vagè, sive sub distinctione, ut libera maneat ad eligendum aut hoc, aut aliud, aut aliud determinatè. Nam talis intentio in tali casu prædeterminatio quedam est diiunctiva voluntatis ad talen electionem. Atque adeò (ne actum agamus) ei ei applicanda doctrina generalis de prædeterminatione diiunctivæ supra disput. 30. quæst. 11. latè tradita, quantum ad omnes, & singulos casus ad rem possibiles; in quibus scilicet media, inter quæ facienda est electio, aut sunt inter se mutuo opposita; aut sunt inter se connexa vel mutuo, vel non mutuo; aut sunt inter se neque opposita, neque connexa. De quibus ibi sigillatum.

Quartò infertur, ut valeat voluntas efficaciter intendere finem, necessarium esse, quod indicet, possibile sibi esse illum obtainere. Quia tali non præente iudicio, ne phisice quidem, (ut alias dixi), nemum prudenter, potest voluntas totum suum conatum ad finem consequendum impendere. Vnde consequenter indicetur, sibi esse possibile ponere, quecumque ad consequendum finem sunt requisita, alii deque ponenda non præsuntur. Cum quorum omnium possibilitate subinde, saltē prout indicata, sive præcognita intrinsecè talis intentione connexa est. Quæ omnia plus, quam certa sunt, loquendo de voluntate diuina.

Porro propositio nostra vniuersaliter est vera, sive intentio efficax, de qua agit, sit finis secundum se præcisè considerati, sive sit finis prout consequibilis, aut prout consequendi per aliquod medium. Nisi quod, quando est sit finis prout consequibilis per aliquod medium, talis mediij possibiliterem supponit essentialiter; quod vero est finis prout consequendi per aliquod medium, necessario debet, vel talis mediij existentiam prout finem ipsum actu causantem supponere ponendam aliunde, vel simul in ipsam, & in finem tendere; ita, ut sit simul talis finis, talisque mediij intentio, & electio; vel ad ipsius ut sic electionem a se distinctam voluntatem necessitare. Nam hi tres casus sunt possibles, prout ex dictis quæst. 3. proposit. 2. liquidum est.

Propositio 3.

68 Voluntas per intentionem conditionata finis ut talem, quantumuis ea efficax sit, ad nullam mediorum electionem necessitatur. Moueri tamen poterit pro arbitrio suo ad eligendum tum conditionata, tum etiam absoluta electione media, quæ tum sub eadem conditione, qua finis intenditur, tum absolute ad ipsius finis consequitionem vtilia sunt.

Supponit hec propositio, possibilem esse in voluntate etiam diuinam intentionem finis, & electionem medij conditionatam ex parte obiecti iuxta doctrinam stabilitam disp. 34. quest. 8. Deinde supponendum est iuxta dicta ibidem, voluntatem conditionatam, non in quamcunque, sed in eam sui obiecti tendere bonitatem, quam ipsum tanquam à quadam circumstantia participat à conditione, sub qua tangitur per talem voluntatem. Tangitur enim per illam prout subest tali conditioni, seu prout connotans illam, ut loco citato explicatum, & alias sape dictum est. Vnde sequitur, medium vtile ad finem intentum per intentionem conditionatam ad eam bonitatem debere esse vtile, quam talis intentio tangit in tali fine; nec sufficere, quod sit vtile ad aliam.

69 Quibus suppositis, prima pars propositionis inde probatur. Quia intentione conditionata finis, quantumuis ea in suo genere efficax sit, suspensam habet efficaciam, quoique purificetur conditio, sub qua tendit in finem: conatur enim dare existentiam fini, non absolute, sed ea conditione supposita. Vnde ante purificationem conditionis, seu independenter ab illa ad electionem mediorum determinare, seu necessitate non valet. Valebit tamen, conditione purificata, seu abolitione positâ. Quoniam intentione conditionata efficax quoad vim mouendi transit inabsolutam, purificata conditione: atque ita prout coniuncta cum conditione purificata perinde necessitat voluntatem ad electionem, ac si esset absoluta. De qua plura dicemus infra agentes de Deo disp. 39. quest. 3.

70 Iam secunda pars propositionis probatur facile. Quia, ut ex praecedentibus constat, omnis intentione finis ad electionem cuiusvis medij vtilis ad ipsum finem inclinat: ita quidem, ut ad eandem bonitatem finis obtinendam, quam pretendit intentione, referatur vtilitas medij, quod assumptum electio; nam cui bonitas illa est amabilis, & hæc vtilitas consequenter amabilis est. Cum ergo bonitas, quam pretendit intentione conditionata finis sive efficax, sive simplex, conditionata sit; (ea scilicet, quæ accrescit, concipiturque in obiecto conditionato ex hypothesi conditionis iuxta dicta num. 68.); ad eam vtilitatem medij ponenda: per electionem inclinabit conditionata intentione, quæ ad obtinendam bonitatem conditionatam ab illa prætentam refertur. Cùmque rursus ad obtainendam bonitatem conditionatam duplex communiter in medijs reperiatur vtilitas: altera proxima similiere conditionata sub eadem conditione: altera absoluta remotor. Concluditur, intentionem conditionatam de bonitate conditionata finis ad duplum

electionem mouere posse; alteram conditionatam de vtilitate medij conditionata; alteram absolutam de vtilitate medij absoluta. Quod erat probandum.

Exemplis cuncta hæc clara fient. Intendit homo conditionatè sanitatem sub conditione, quodam cam amittat per morbum A; ad quem morbum expellendum vtile est medicamentum B; tum vtilitate remotâ à sua virtute indistincta, tum vtilitate proxima, quam dum morbo iam applicatur ab applicatione ipsa sortitur. Ex quibus duabus vtilitatibus prima absoluta est in tali medicamento; quia indistincta ab ipso: secunda vero, dum morbus non adeat, tantum conditionata sub conditione, quod morbus adsit, & medicamentum ei applicetur. Ex quibus subinde secundam electione conditionata, primam autem electione absolutam eligere potest homo, sanitatem intendens modo predicto. Qui duplex modus eligendi medium ex intentione conditionata finis sepe apud nos in praxi est. Dum enim intendimus conditionatè aliquem finem, sepe conditionatè pariter eligimus medium, quod, cernimus, fore sub eadem conditione vtile proxime ad talem finem: quæ electio, sicut & intentio, suspensa manet, nec aliquid absolute ponit in esse: sed sepe item ob vtilitatem remotam, & absolute, quam in tali medio respectu talis finis conspicimus, absolute eligimus illud, nobisque paramus, & retinemus ad utendum ipso præcasu, quod purificetur conditio, sub qua intendimus ipsum finem. Deus similiter ex intentione, quam habet, efficaci, & conditionata, ut omnes saluentur, prout videbimus disput. 40. quest. 1. ab solute eligit, & ro ipsa causat multa media remore vtilia ad salutem, etiam Reproborum, & quæ proxime vtilia fierent, si illi in gratia decederent; cuiusmodi sunt ipsorum merita. Credibileque est, habere etiam Deum electionem conditionatam mediorum ad talem finem conditionate vtilium sub eadem conditione decessus in gratia, ut solutionem post mortem debitæ penae luenda in Purgatorio, collationem luminis gloriae, &c, si quæ sunt alia ad gloriam proximè vtilia.

Per quæ iam tota propositio manet probata. Quæ vniuersaliter est vera, sive intentione, de qua in ea est sermo, sive finis secundum id, sive finis prout consequibilis, aut prout consequendi per modum aliquid, iuxta dicta circa praecedentes propositiones num. 59. & 67. Quæ pariter etiam præsenti, sua feruata proportione, applicanda sunt.

Propositio 4.

Voluntas ex intentione disiunctiva, & efficaci vnius, vel alterius duorum finium ad eam mediorum electionem moveri poterit, quæ vtilis fuerit ad existentiam alterutrius. Ad eam vero necessitabitur, quæ necessariâ fuerit, ut cum effectu existat alteruter.

Hæc etiam propositio supponit, possibilem esse in voluntate etiam diuinam intentionem finis, & electionem medij ex parte obiecti disiunctivam, iuxtam doctrinam statutam supra disp. 34. quest. 9. vbi satis est explicatum ex doctrinis aliibi datis, qualiter volitiones disiuncte æquivalentur.

Tactatus XI. De Deo vno

590

ter rancum disiunctua esse possint; cum tamen nostra infuper possint esse disiunctua formaliter. Recognoscantur ibi dicta.

Quibus suppositis, probo breuiter utramque partem propositionis. Quoniam intentio efficax finis ad eam electionem mediorum inducit intendenter, qua utiles est, ut existat id, quod intenditur, ea ratione, qua intentum est: ad eam autem necessitat, qua ad id ipsum est necessaria, ut satis liquet ex dictis in propositionibus praecedentibus. Ergo intentio efficax huius, vel alterius finis sub disiunctione ad eam electionem mediorum inducit, qua utiles fuerit, ut existat hic, vel alter finis: ad eam autem necessitat, qua ad id ipsum necessaria fuerit. Quot autem modis electio mediorum utiles, aut necessaria esse possit respectu disiuncti duorum finium intentorum, ex dictis in tota hac disputatione, iuncta doctrina de actibus disiunctiis recognoscenda loco citato, facile erit vacuique determinare. In quo proinde non opus est, ut amplius immoretur.

Dices. Intentio efficax disiunctua duorum finium duabus conditionatis equiualeat, quarum unaquaque efficaciter intendit suum finem, sub conditione negationis finis alterius, iuxta dicta loco citato. Sed nulla intentio conditionata finis, quantumvis efficax, ad ullam mediorum electionem necessitat per e, ut proposit. 3. statutum est. Ergo nulla intentio efficax disiunctua necessitat ad ullam electionem mediorum. Respondeo, nullam intentionem efficacem condicinatam per se, & seorsim a quavis alia quatenus talem necessitat ad ullam mediorum electionem, (quod solum statutum relinquimus proposit. 3.) quia nulla vt sic necessari fert secum purificacionem conditionis. At duas simul, quarum unaquaque habet pro conditione negationem obiecti alterius, cuiusmodi sunt illae, quibus equiualeat disiunctua, non posse non ad eam mediorum electionem necessitat, qua necessaria fuerit ad absolute consequendum finem alterutrius. Quia non possunt amba simul carere fine intento, quin ambarum conditio purificetur: cumque, purificata conditione, repugnet, eas sine fine intento manere; consequenter repugnat, ambas simul manere sine illa electione; eo quod, sublatâ omni electione, ambâ sine fine intento manerent; quem alter, quam media electione, causare non possunt; ut supponitur.

Porro, qua diximus de intentione disiunctua duorum finium, eodem pacto locum habent in intentione disiunctua plurium in quouis numero, ut notum est. Cum intentione autem disiunctua efficaci conuenit disiunctua simplex quoad primam partem propositionis: fucus quoad secundam; ut etiam est notum. Omniaque dicta eque sunt vera, sive fines per intentionem disiunctuam tangantur, secundum se præcise, sive vi consequibiles, aut consequendi per aliquod medium, iuxta dicta in simili circa praecedentes propositiones. Qua presenti quoque, sua seruata proportione, sunt applicanda.

Propositio. 5.

Voluntas ex intentione finis ad nullum actum voluntatis potest immediate moueri, qui non sit electio formalis aliqui-

ius medijs respiciens ipsum ut vtile ad ta-
lem finem. Ceteri enim actus voluntatis
non possunt immediate procedere ab in-
tentione finis, quantumvis vtiles ad illum
præuidentur.

Hanc propositionem tenent Soar, tom. I. de
Gratiâ lib. 1. cap. 11. num. 15. Petrus Hurt. 2. 2.
tom. 2. disp. 135. lect. 6. Oued. controv. 9. de Ani-
ma punct. 13. & alij. Contra Ripaldam 10. 1. de
Ente super. disput. 66. lect. 3. & alios Recentiores,
putantes, intentionem finis immediate posse mo-
nere voluntatem intendenter ad quemlibet alium
actum ipsius voluntatis, qui præuidetur utiles ad
finem intentum, quocunque ille obiectum ha-
beat. Quo pacto censem, in Deo intentionem
poenitentia precedentem præisionem peccati
mouere ipsum posse ad volitionem permittendi
peccatum, ex quocunque alio fine, siue motu
talij volitio concipiatur, hoc ipso, quod ea, quocunque
de numeris motuum habeat, utiles revera-
reit ad poenitentiam, talisque præuidetur. Et in
nobis intentionem lanitatis mouere nos posse ad
volitionem ambulandi propter delectationem, vel
causa iniurandi amicum, vel ob aliud motuum,
quando ambulatio ad sanitatem etiam utiles præ-
uidetur, eti non amerit ut talis, & consequen-
ter volitio eius, quocunque motuum habeat,
utiles quoque cognoscitur ad ipsam sanitatem.
Eodemque modo de ceteris huiusmodi actibus
philosophantur. Quos electiones materiales vo-
care solent.

Probatur autem propositione nostra primò ab absurdio, agendo de Deo. Quia, si intentio finis vim habet ad moueniam voluntatem diuinam, ad omnem actum præsumum utilem ad eam finem; quories de facto concipitur talis actus, sup-
posita intentione, non poterit non ab illa pro-
dere: eo quod influxus intentionis in actu non
respicientem ipsam intrinsecè, qualis est actus,
de quo loquimur, posita utrinque existentia,
inutabilis est; utpote qui in ipsa coexistentiā
consistit reipsa iuxta doctrinam a nobis tradi-
tam, & probatam in simili disput. 30. quod ut
de influxu imperij reflexi voluntatis in actu im-
peratum, que omnium habet modum caularum mo-
tuum influxui communis est. Hinc autem se-
quitur, nihil posse Deum de facto producere,
quod non ordinet ad cetera omnia, qua prodi-
cit: quia nihil est, quod non sit aliquo modo
utile ad cetera omnia, saltem ut circumstantia que-
dam extrinseca, siue ut obiectum, ex cuius pre-
usione Deus pro arbitrio suo moueri poterit ad
producendum quodlibet. Hoc autem, quis non
concedat, absurdum esse? Ex quo aliquid non mi-
nus sequitur. Cum enim omnia, aut saltem ple-
raque, vel aliqua, qua Deus efficaciter amat, vel
lia sibi mutuo sint; feret, ut vel omnia, aut ple-
raque, vel aliqua diuina decreta mutuo se causen-
tia, secundum secundum existentiam physicam,
quia quodlibet moueret ad cetera, utpote via
lia ad suum obiectum, qua motione, & coex-
istentia posita, ineutabilis esset mutuus omnium
influxus. Duo autem quæpiam, vel plura mu-
tuò se se causare quoad existentiam physicam, ac
que in eodem genere causa, utri enierit in pre-
senti, impossibile omnino est iuxta sententiam
omnium. Hæc duo absurdia etiam in nobis lo-
cum habent, licet non tam amplum, quam in
Deo, ut consideranti innoverescet.

Secundò probatur propositione à simili. Quod

loquendo vniuersè, intentio finis non valet mouere immediatè potentiam subditam voluntati ad mediorum exequitionem, vt in confessò est apud omnes. Ergo nec valet mouere ipsam voluntatem ad omnes actus viles ad talem finem, nisi interueniat electio reflexa talium actuum. Nulla enim est idonea ratio, cur plus, aut aliter sit voluntas subdita sibi ipsi in ordine ad actus extrinsecè, & accidentaliter resipiçentes intentionem finis, quales sunt ceteri, præter formalem electionem ; quam subdita sunt voluntati aliæ potentia respectu suorum actuum. Vnde, sicut nulla harum moueri potest ad suum actum, nisi per imperium voluntatis habens pro obiecto actum ipsum ; ita voluntas a se ipsa ad actum, qui non fit formalis electio, nisi per imperium reflexum habens talem actum pro obiecto moueri non poterit. Per imperium autem reflexum posse voluntatem mouere se ipsam immediate ad aliquem alium suum actum disput. 30. quæst. 1. 2. probatum est.

80 Tertiò probatur propositione à priori. Quia voluntas non aliter tendere potest ad dandam existentiam medijs, prout media sunt, quam tendit ad dandam existentiam fini, ad quem vtilia sunt talia media. Sed ad dandam fini existentiam tendit voluntas amando ipsum finem ; desiderandoque, vt existat. Ergo ad dandam existentiam medijs nequit aliter tendere ex vi amoris ipsius finis, quam amando illa, & desiderando, vt existant, prout media sunt. Ergo intentio finis ad solum amorem mediorum, prout media sunt, qui formalis electio est, potest immediate mouere. Non item ad alium amorem ; quantum hic ad ipsum finem præuideatur vtilis.

81 Cum quo tamet stat, amorem, qui non est electio, subseruire nihilominus posse intentioni, tametsi ab ea non procedat, ad obtinendum finem per ipsam intentum ; si nimirum ille sit medium efficax ad talis finis consequitionem, aliundeque, quam ab intentione ipsa, præuideatur extiturus. Id namque commune est omni medio efficaci, aut etiam necessario ad finem intentum, aliundeque, quam ab eius intentione, extituro, vt sicque ab intendente præuisio, iuxta doctrinam statutam propos. 2.

Propositio. 6.

82 Voluntas ex intentione finis ad electionem medijs remoti moueri potest, quin sit necesse, vt præcedat electio medijs proximi ; imò, quin hoc ametur villo modo : maximè, si aliunde, quam ab amore sui, præuideatur futurum.

Doctrina huius propositionis ex definitione finis Aristotelica, & recepta ab omnibus, quam dedimus quæst. 1. videtur imprimis inferri. Nam dum in ea absolute, & sine vllâ distinctione dicitur. *Finis est, cuius gratia cetera sunt.* videtur sapè denotari, cetera omni eodem modo, atque adeò immediate causari posse à fine. Vnde sequitur, intentionem finis, quantum de suo est, equaliter ad ponenda omnia media requisita ad ipsum finem mouere : quia intentioni finis tantum interest, quod illa cuncta existant ad hoc, vt existat finis per ipsam intentus, quoconque munus ordine illa eligantur à voluntate. Poterit igitur voluntas ex intentione finis moueri ad eli-

gendum medium remotum, antequam eligat medium proximum, vel ordine inuerso pro suo arbitratu; diuersis tamen electionibus, vt mox explicabitur. Cuius doctrina ratio à priori est. Quia, vt constat ex dictis quæst. 1. medium prout tale non est bonum formaliter, sed tantum causative ; atque adeò non est amabile, quia bonum, sed quia vtile ad bonum. Ob idque Arist. lib. 8. Ethic. cap. 2. enumerans amabilia noluit illud vocare bonum, sed vtile amabile. Ex quo fit, omnem mediorum vtilitatem sive remotam, sive proximam propter finem immediatè amabilem esse ; in quo sita est formalis bonitas, qua sola est amabilis propter se.

83 Et quidem, quando medium proximum aliunde, quam à voluntate intendente finem, pre cognoscitur extitum, certum videtur, posse ipsam voluntatem moueri immediate ex intentione finis ad eligendum medium remotum, imò & teneri, quando illud est necessarium ad obtinendum finem, & finis intentio efficax est: quia in tali casu talis intentio necessitat ad electionem medijs remoti, & ad electionem medijs proximi ne inclinat quidem ; eo quod veluti obtunditur vis eitis motiva a prenotione existentia aliunde, future medijs proximi, vt constat ex doctrina datâ prop. 2. Itaque in tali casu electio medijs remoti necessariò nascitur immediate ab intentione finis, nullatenus electo medio proximo, quod ne amari quidem debet villo modo per electionem medijs remoti ; et si debeat per illam connorari, iuxta statim dicenda. Poterit igitur voluntas, etiam quando medium proximum non præuideatur extitum aliunde, eligere medium remotum, antequam eligat proximum, vel è conuerso, prout sibi placuerit: tametsi connaturalius videatur, vt prius eligat medium proximum, quam remotum. Erit tamen inter hos duos casus discrimen ; quod electio medijs remoti antecedens electionem medijs proximi eo ipso erit electio vtilitatis medijs ad finem, essentialiterque subinde connotabit existentiam vtilitatis immediatae, quam mediata fert secum, eoque iure causativa erit simul cum intentione finis electionis medijs proximi cum sua vtilitate immediata, iuxta doctrinam datam in simili quæst. 3. prop. 2. Electio vero medijs remoti subsequens electionem medijs proximi solius vtilitatis immediatae, quam haber medium remotum comparatione proximi electio erit : ob idque electionem medijs proximi supponet tanquam causam sui. Hac dicta, quando intentio finis est efficax. Quando enim est simplex, si fiat electio medijs remoti ante electionem medijs proximi, sat est, quod connotetur per illam vtilitas immediata medijs proximi tanquam possibilis. Ob idque talis electio ne causativa quidem erit, nedum determinativa, electionis medijs proximi.

84 Obijcit tamen aliquis contra dicta. Vtilitas medijs remoti ad finem includit in se vtilitatem medijs proximi ; quia est vtilitas mediata causitudo conducens ad finem, quatenus conductit ad medium vtile proxime ad ipsum finem. Ergo vtilitas ad finem medijs remoti in nullo eventu potest amari non amata vtilitate medijs proximi. Distinguo antecedens. Vtilitas ad finem medijs remoti includit in se de connotato, & in obliqua vtilitatem medijs proximi ; concedo. Includit ex aequo ; & directe ; nego. Et nego consequiam. Etenim vtilitas medijs remoti denominatio quedam ipsi semixtrinseca est, qua vtile me.

mediate ad finem denominatur: cuius fundamen-ta realia sunt omnia, quae à parte rei compo-nunt duas utilitates immediatas, alteram medijs remoti respectu proximi, alteram medijs proxi-mi respectu finis: à quibus omnibus medium remotum utile mediare ad finem denominatur: quae denominatio, sicut & cetera eiusmodi, di-rectè importat subiectum denominatum, ipsum scilicet medium remotum, cetera autem in obliquo, sive de connotato. Quoniam autem quod-uis subiectum denominatum semiextrinsecè prout connotans cetera, ex quibus eius denominatio desamitur, bene potest à voluntate prout utile mediare ad finem, quin medium proximum, eiusque immediata utilitas ad eundem finem amentur aut ullo modo, cùm aliunde prouiden-tura futura, aut per eundem actum, cùm non prouidentur.

Ex qua doctrinā inferemus postea suo loco, Deum benè posse ex intentione pœnitentie permissionem peccati eligere, quin ob id teneatur ad amandum ullo modo peccatum, quan-uis hoc respectu pœnitentia rationem habet me-dij proximi; permissionem autem eius medij remoti.

Porro, quæ in tota hac questione dicta sunt de intentione per modum desiderij finis boni, sua seruata proportione, sunt applicanda intentioni per modum fugæ finis mali. Et que sunt dicta de electione per modum desiderij me-dij utilis ad finem bonum, pariter applicanda sunt tum electioni per modum fugæ medijs im-peditiū finis boni; tum electioni per modum fugæ medijs utilis ad finem malum; tum deni-que electioni per modum desiderij medijs impe-dituum finis mali. Vt notauimus similiter quæst. 3. num. 43.

QVAESTIO V.

*Qualiter inter finem, & media duplex
ordo, alter intentionis, & al-
ter exequutionis ponen-
dus sit.*

87 **Q**via finis causa est mediorum intentionalis, quatenus intentionaliter, sive obiectiu-m voluntatem eum intendens mouet ad ponenda media: media verò vice versa causa sunt finis physicæ; quatenus physicæ causant ipsum. Ideo constans res est apud Philosophos, duos ordines prioris, & posterioris reperiendi inter finem, & media; alterum intentionis, qui à fine incipit, & desinit in medium remotius; alterum exequutionis, qui incipit à medio remotori, & desinit in finem. Prius enim intenditur finis, quam eli-gantur media: quia finis prout intentus, at-que adeo obiectiu-m conducit ad electionem me-diorum: sed prius exequutioni mandantur me-

dia, quæ finis; quia media prout exequuta, atque adeo physicæ causant ipsum finem. Sup-posito igitur, quod in creaturis hi duo reperi-entur ordinis inter finem, & media; an, & quali-ter reperiantur etiam in Deo, nobis in præ-questione potissimum examinandum, & reloquendum est.

Conuenient Theologi, duplicum ordinem intentionis, & exequutionis predictum etiam in Deo dari. Neque id circa notam negari pos-set. Cùm certum sit ex sacris litteris, Deum operari propter finem, mediaque ad finem ordinare: idque fieri non possit, nisi intercedat du-plex ordo predictus. Itaque vi ministrandum fatidum est, Deum ex simplici intentione finis moueri ad eligenda media; & coeque pacto finem & intentum priorem esse, quam media, & media ut exequuta priora, quam finem. Difficilis est, an ex intentione efficaci, & absoluta finis ita Deus moueri possit ad eligenda media, vt ea etiam ratione duplex predictus ordo assignari possit. Basilius Legion. tom. Variar. quæst. 6. Scholast. cap. 8. & 9. & docti Recentiores negant, id esse possi-ble in sententiâ eorum, qui per extrinsecâ conno-tata decreta Dei libera compleunt, quos Com-men-tantes appellantur. Alij vero Theologi communi-ter tam Connotantes, quam non Connotantes ab solutâ censem, esse possibile. Ita Alexan. I. par. quæst. 28. artic. 2. Bellarmin. lib. 2. de Gratia & liberâ arbit. cap. 14. Arrub. I. par. disput. 65. num. 20. Soar. lib. 1. de Essentiâ Prædictâ. cap. 14. & lib. de Auxil. cap. 19. & tom. I. in 3. par. disput. ut 5. decr. & disput. 10. sec. 4. Heric. I. par. disput. 17. cap. 8. & 4. Alarc. I. par. tract. 3. disput. 5. cap. 4. & 5. Idem docet Vazq. I. par. disput. 82. cap. 5. & disput. 89. cap. 13. quando finis intentus à Deo est aliquid non de-pendens ab arbitrio creato. Tunc enim, inquit, talis finis potest esse prius in intentione efficaci, & posterius in exequutione: fecus, quando dependet ab arbitrio creato: quia tunc, si feruanda est li-bertas, censem, talem finem non efficaci, sed sim-plici tantum intentione posse praaintendî à Deo an-

te mediorum electionem.

Imprimis tanquam certum statu, statu do in sententiâ non Connotantium, optimè posse Deum intendere efficaciter finem, antequam de-creuerit media, ex eâque intentione moueri ad illa decernenda: atque ita cum intentione effi-caci finis optimè posse in Deo duos predictos ordi-nes intentionis, & exequutionis componi. Quoniam ex una parte iuxta eam sententiam facile ei-assignare inter decreta Dei ordinem prioris, & posterioris, atque etiam caufalitatis (sicler vir-tualis) independenter ab ordine, & caufalitate obiectorum ad eum modum, quo reperitur in actibus nostrâ voluntatis. Ex alia parte ordinem media in finem praaintentum efficaciter non mis-rem, imo maiorem perfectionem videtur pre-ferre, quam ordinare media in finem inefficaciter tanquam praaintentum: maximè, cùm apud Deum intentio prauia, & efficax finis neque defectum diortum, neque defectu potentia frustrari possit, ut in nobis lape frustratur. Igitur, stando in ea sententiâ, nullatenus negandum est, posse Deum prius intendere efficaciter finem, indeq; ad mediorum electionem moueri, ita, vi inten-tio illa hanc electionem aliquo modo caufer, quae adeo antecedat: tametli vice versa media elec-tia caufent, & antecedent finem intentum: quae sunt duo ordines, de quibus agimus. Vnum autem huiusmodi efficax intentio cum libertate crea-